



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0021570 21

Datum: 13.01.2025. godine

Sudu Bosne i Hercegovine
Sudiji za prethodno saslušanje

Na osnovu člana 35. stav 2. tačka i), člana 226. stav 1. i člana 227. stav 1. Zakona o krivičnom postupku Bosne i Hercegovine (ZKP BiH) podižem

Optužnicu

Protiv:

Kajkut Danko, [REDACTED] rođen [REDACTED] 1965. godine u Goraždu, [REDACTED]
[REDACTED] državljanin Republike
Srbije i [REDACTED] BiH, [REDACTED]

Što je:

U periodu od 10.06.1992. godine pa najmanje do kraja jula 1992. godine na području općine Kotor Varoš, za vrijeme rata u Bosni i Hercegovini i u vrijeme oružanog sukoba na području općine Kotor Varoš između Vojske Republike Srpske (VRS) s jedne strane i Armije Republike Bosne i Hercegovine (Armija R BiH) i Hrvatskog vijeća odbrane (HVO) sa druge strane, te u okviru širokog i sistematičnog napada VRS i snaga Ministarstva unutrašnjih poslova srpske Republike Bosne i Hercegovine, odnosno Republike Srpske (MUP RS), usmjerenog protiv civilnog stanovništva muslimanske i hrvatske nacionalnosti koje je živjelo na području opštine Kotor Varoš, koji napad je trajao od 11.06.1992. godine pa do sredine 1994. godine, pa je tako **Kajkut Danko**, komandir I. voda Specijalnog odreda milicije CSB Banja Luka („Specijalni odred milicije“):

1. Dana 11.06.1992. godine u jutarnjim satima, u blizini Doma zdravlja na području općine Kotor Varoš, prilikom akcije vojnih i policijskih snaga VRS-a na području Kotor Varoši, **Kajkut Danko**, je svjesno i voljno, zajedno sa drugim pripadnicima srpskih vojnih i policijskih formacija, prema civilu muslimanske nacionalnosti [REDACTED], učinio nečovječno djelo slične prirode u namjeri nanošenja velike patnje ili ozbiljne psihičke povrede, postupajući u suprotnosti sa pravilima međunarodnog humanitarnog prava, kršeći odredbe zajedničkog člana 3. Ženevskih konvencija od 12.08.1949. godine,¹ i to tako što je **Kajkut Danko** zajedno sa tri naoružana lica,

¹ Član 3.: ... U slučaju oružanog sukoba koji nema karakter međunarodnog sukoba, a koji izbije na teritoriji jedne od Visokih strana ugovornica, svaka od strana u sukobu biće dužna da primjenjuje bar sljedeće odredbe: 1) Prema licima koja ne učestvuju neposredno u

upao naoružan u kuću [REDACTED], kojeg su u donjem vešu istjerali iz kuće, naredili mu da se prisloni uz zid kuće licem okrenutim prema zidu, sa rukama podignutim u vis tako da drži podignuta tri prsta, nakon čega su ga snažno udarili kundakom puške u leđa uslijed kojeg je [REDACTED] osjetio jaku bol i zateturio, a zatim su ga natjerali da u tom položaju naslonjen sa tri prsta obje ruke na zid stoji oko 20 minuta, nakon čega su ga utjerali u njegovu garažu kako bi im otvorio gepek od svog automobila, prilikom čega je **Kajkut Danko** naređivao [REDACTED] riječima „*Otvoraj, otvaraj*“, a zatim mu je opsovao majku te ga udario nogom obuvenom u vojničku čizmu u predjelu bubrega, uzrokujući mu naročito uvredljivim i ponižavajućim postupkom povredu ličnog dostojanstva, kao velike patnje i ozbiljne psihičke povrede, a u daljem udaranju i ponižavanju ga je zaustavio [REDACTED];

2. U periodu između 11.06.1992. godine i kraja jula 1992. godine u prostorijama Stanice javne bezbjednosti u Kotor Varoši, na području općine Kotor Varoš, **Kajkut Danko**, u svojstvu komandira I. voda Specijalnog odreda milicije, je svjesno i voljno, zajedno sa drugim pripadnicima srpskih vojnih i policijskih formacija, učestvovao u **zatvaranju ili drugom teškom oduzimanju fizičke slobode** civila muslimanske i hrvatske nacionalnosti sa području općine Kotor Varoš i u njihovom **mučenju**, postupajući u suprotnosti sa pravilima međunarodnog humanitarnog prava, kršeći odredbe zajedničkog člana 3. Ženevskih konvencija od 12.08.1949. godine, zatim odredbe člana 32.² i člana 147.³ Ženevske konvencije o zaštiti civilnih lica za vrijeme rata od 12.08.1949. godine, i to tako što je nezakonito lišio slobode [REDACTED] djevojku po imenu [REDACTED] neidentifikovanog civila nesrpske nacionalnosti kojeg je svezao liscama i vodio ga kroz grad na način da mu je spustio glavu prema zemlji te ga pri tome ponižavao i maltretirao, glavnom ulicom koja vodi kroz Kotor Varoš je vodio 3-4 civila te ih je pri tome udario a jednog od njih je udario nogom u zadnjicu i doveo u SJB Kotor Varoš, kao i druga tačno poimenično neutvrđena lica od sljedećih 68 civila muslimanske i hrvatske nacionalnosti koja su nezakonito lišena slobode te zatvorena u prostorijama Stanice javne bezbjednosti u Kotor Varoši: [REDACTED]

[REDACTED] gdje su zatim ovi civili nezakonito držani u u periodu od nekoliko dana do nekoliko sedmica, i to tako da ovi muslimanski i hrvatski civili nisu nikad optuženi za bilo koje krivično djelo, nisu im omogućena proceduralna prava vezana za određivanje i dužinu trajanja zatvaranja, a pri tome su držani u nečovječnim uslovima

neprijateljstvima, podrazumevajući tu i pripadnike oružanih snaga koji su položili oružje i lica onesposobljena za borbu usled bolesti, rane, lišenja slobode, ili iz kojeg bilo drugog uzroka, postupajući se u svakoj prilici, čovečno, bez ikakve nepovoljne diskriminacije zasnovane na rasi, boji kože, veri ili ubeđenju, polu, rođenju ili imovnom stanju, ili kome bilo drugom sličnom merilu. U tome cilju zabranjeni su i zabranjuju se, u svako doba i na svakom mjestu, prema gore navedenim licima sljedeći postupci: a) povrede koje se nanose životu i telesnom integritetu, naročito sve vrste ubistva, osakaćenja, svireposti i mučenja; ... c) povreda ličnog dostojanstva, naročito uvredljivi i ponižavajući postupci; ...

² Zabrana mera koje prouzrokuju istrebljenja i telesne patnje - Član 32.: Visoke strane ugovornice se uzajamno odriču preduzimanja svih mera koje su u stanju da prouzrokuju bilo telesne patnje ili istrebljenje zaštićenih lica koja se nalaze u njihovoj vlasti. Ta zabrana obuhvata ne samo ubistvo, mučenje, ... nego i sve ostale surovosti, bilo da ih čine civilni službenici ili vojna lica.

³ Teške povrede - Član 147.: Teške povrede koje se imaju u vidu u prethodnom članu jesu povrede koje obuhvataju jedno od sledećih dela, ako su ona izvršena protiv lica ili dobara koje štiti Konvencija: hotimično ubistvo, mučenje ili nečovječno postupanje, ... namerno prouzrokovanje velikih patnji ili nanošenje ozbiljnih povreda telu ili zdravlju, ... protivzakonita zatvaranja, ... ili njegovo lišavanje prava da bude redovno i nepristrasno suđeno prema odredbama ove konvencije, ...

jer su prostorije u kojima su zatvoreni bile neadekvatne za smještaj tolikog broja dovedenih civila, nije im davana dovoljna količina hrane, a tokom tog perioda **Kajkut Danko** i druga neidentifikovana lica, su odvojeno i zajedno **mučili** tačno individualno neutvrđene od oko 70 prethodno imenovanih civila muslimanske i hrvatske nacionalnosti, pri čemu ih je **Kajkut Danko**, prije i nakon ispitivanja svakodnevno udarao po cijelom tijelu bejzbol palicom, zbog čega su ga pretučeni civili među sobom zvali „**tabator**“, ali i kundakom puške, policijskom palicom, šakama, nogama u čizmama, obično u predjelu stomaka i bubrega i u donjem dijelu, i na druge načine zlostavljali te im je na taj način namjerno nanosio snažne fizičke i duševne bolove i patnje;


3. U periodu između 11.06.1992. godine i kraja jula 1992. godine u prostorijama Stanice javne bezbjednosti u Kotor Varoši, na području općine Kotor Varoš, **Kajkut Danko** je svjesno i voljno, zajedno sa drugim pripadnicima srpskih vojnih i policijskih formacija, **mučio** civile muslimanske i hrvatske nacionalnosti sa području općine Kotor Varoš, postupajući u suprotnosti sa pravilima međunarodnog humanitarnog prava, kršeći odredbe zajedničkog člana 3. Ženevskih konvencija od 12.08.1949. godine, zatim odredbe člana 32. i člana 147. Ženevske konvencije o zaštiti civilnih lica za vrijeme rata od 12.08.1949. godine, i to tako što je:
 - a) dana 12.06.1992. godine, u prostorijama SJB Kotor Varoš, **Kajkut Danko** je zajedno sa osobama po nadimku „**[REDACTED]**“ ispitivao privedenog **[REDACTED]** oko tri sata, i pri tome su ga tukli po genitalijama, preponama i mošnjicama, kao i leđima u području kičme i to nogama, palicama, kundacima i nogarom polomljene stolice, usljed čega je **[REDACTED]** padao i puno krvario, te su mu na taj način namjerno nanijeli snažne fizičke i duševne bolove i patnje;
 - b) tačno neutvrđenog dana, na ulazu u zgradu SJB Kotor Varoš, **Kajkut Danko** je natjerao dva civilina lica mlade životne dobi nesrpske nacionalnosti da udaraju jedan drugog i da se tuku i nakon toga je bio nezadovoljan kako se međusobno udaraju, a onda je **Kajkut Danko** uzeo stvari u svoje ruke pa je počeo da tuče i jednog i drugog govoreći im pri tom „*ne udarate se vi dobro*“ te im je na taj način namjerno nanosio snažne fizičke i duševne bolove i patnje;
 - c) dana 08.07.1992. godine u prostorijama SJB Kotor Varoš, nakon što je **[REDACTED]**, koji je bio jedan od komandira u Specijalnom odredu milicije, ugurao u jednu prostoriju KD-1 radi ispitivanja, u toj prostoriji su ga dočekala dva lica u maskirnim uniformama, od kojih je jedan bio **Kajkut Danko** koji je odmah počeo tući KD-1 šakama po tijelu, a zatim je uzeo neku drvenu palicu kojom ga je udarao po rukama i leđima, a kada bi KD-1 pao na pod, **Kajkut Danko** ga je udarao vojničkim čizmama po prsima, a drugo uniformisano lice je tokom tuče ispitivalo KD-1, a kada bi mu KD-1 dao nepoželjan odgovor, **Kajkut Danko** je nastavio udarati KD-1, te je ovo ispitivanje i fizičko i psihičko maltretiranje trajalo najmanje 3-4 sata, tokom kojeg je u jednom momentu drugo uniformisano lice uzeo kaubojski pištolj „kolt“ i ispraznio sve metke iz njega osim jednog, zarotirao doboš i taj pištolj naslonio KD-1 na slijepočnicu i pitao KD-1: „*Znaš li šta je ruski rulet*“, a kada je KD-1 odgovorio da ne zna, to lice mu je reklo: „*Sad ćeš da vidiš da li imaš sreće*“, a nakon što je stavio pištolj na slijepočnicu KD-1, povukao je obarač i začuo se samo zvuk „klik“, nakon čega je to lice okrenulo pištolj prema prozoru i povukao obarač i opalio nakon čega je staklo puklo, a onda je u jednom momentu **Kajkut Danko** uzeo sa ormara željeznu cijev dužine 30-ak cm, koja je imala šiljak na vrhu, kojom je udario KD-1 po glavi uslijed čega ga je zalila krv nakon čega je KD-1 izgubio svijest, te su na taj način namjerno nanijeli KD-1 snažne fizičke i duševne bolove i patnje;
 - d) dana 08.07.1992. godine u prostorijama SJB Kotor Varoš, **Kajkut Danko** je ispitivao privedenog **[REDACTED]** te ga je, zajedno sa drugim neidentifikovanim osobama, tukao kundakom puške, palicom i nogama po cijelom tijelu, uslijed čega je **[REDACTED]** nekoliko puta gubio svijest, a u jednom momentu je **Kajkut Danko** davio **[REDACTED]** na način da mu je držao glavu pod vodom u buretu vode, te su mu na taj način namjerno nanijeli snažne fizičke i duševne bolove i patnje;
 - e) dana 08.07.1992. godine u prostorijama SJB Kotor Varoš, **Kajkut Danko** je ispitivao privedenog **[REDACTED]** te ga je, zajedno sa drugim neidentifikovanim osobama, tukao pri čemu je jedna od tih osoba kundakom pištolja razbio staklo od stola, a zatim komadom

- od razbijenog stakla urezao „4S krst“ na leđima [REDACTED], te su mu na taj način namjerno nanijeli snažne fizičke i duševne bolove i patnje;
- f) dana 08.07.1992. godine u prostorijama SJB Kotor Varoš, **Kajkut Danko** je ispitivao privedenog zv. [REDACTED] koji je prije rata radio u komunalnom preduzeću, te ga je, zajedno sa drugim neidentifikovanim osobama, tukao, te su mu na taj način namjerno nanijeli snažne fizičke i duševne bolove i patnje;
4. Tačno neutvrđenog dana oko 20.06.1992. godine u poslijepodnevnim satima u Kotor Varoši, **Kajkut Danko** je svjesno i voljno silovao ženu muslimanske nacionalnosti, postupajući u suprotnosti sa pravilima međunarodnog humanitarnog prava, kršeći odredbe zajedničkog člana 3. Ženevskih konvencija od 12.08.1949. godine, kao i člana 27.⁴ Ženevske konvencije o zaštiti civilnih lica za vrijeme rata od 12.08.1949. godine, i to tako što je **Kajkut Danko** došao zajedno sa još dva neidentifikovana muškarca u prizemlje kuće [REDACTED] u Kotor Varoši u kojoj se skrivala žena muslimanske nacionalnosti KD-9, nakon čega je **Kajkut Danko** poderao odjeću KD-9 i oborio je na pod, pri čemu je se KD-9 pokušala odbraniti i molila je da je ne siluje, ali nije pomoglo i onda je **Kajkut Danko** vaginalno silovao KD-9 na podu stavljajući svoj spolni organ u spolni organ KD-9, a dok ju je **Kajkut Danko** silovao, druga dvojica muškaraca su stajala u istoj prostoriji i pri tome su se „*cerekali*“, a nakon što je **Kajkut Danko** ejakulirao u KD-9, napustili su kuću;
5. Dana 24.06.1992. godine, od sela Bilice do zgrade SJB Kotor Varoš na području općine Kotor Varoši, **Kajkut Danko**, u svojstvu komandira I. voda Specijalnog odreda milicije, je svjesno i voljno, zajedno sa drugim pripadnicima srpskih vojnih i policijskih formacija, **mučio ranjenog** civila hrvatske nacionalnosti iz sela Bilice, postupajući u suprotnosti sa pravilima međunarodnog humanitarnog prava, kršeći odredbe zajedničkog člana 3. Ženevskih konvencija od 12.08.1949. godine, zatim odredbe člana 32. i člana 147. Ženevske konvencije o zaštiti civilnih lica za vrijeme rata od 12.08.1949. godine, i to tako da nakon što su pripadnici I. voda Specijalnog odreda milicije po naredbi, pod komandom i ličnim vodstvom **Kajkut Danka**, napali i zauzeli hrvatsko selo Bilice - općina Kotor Varoš, tom prilikom su zarobili stotinjak civila hrvatske nacionalnosti, a među njima i KD-4 koji je prilikom napada ranjen u desnu ruku i butinu, nakon čega su mu naredili mu da se skine gol do pasa pri čemu je KD-4 bio bos, te ga natjerali da stane blizu jednog sijena koje su zapalili te je tada KD-4 zadobio opekotine, a zatim su ga vezali konopcem oko vrata te ga je **Kajkut Danko** tako vezanog, ranjenog i golog do pasa, nakon što mu je flomasterom nacrtao krst na leđima, doveo do svog civilnog motornog vozila u koji je **Kajkut Danko** sjeo i pokrenuo vozilo držeći jedan kraj konopca u ruci, dok se na drugom kraju konopca vezan oko vrata nalazio KD-4, te je tako vukao ranjenog, krvavog i polugolog KD-4 na konopcu, tako da je KD-4 morao trčati za vozilom sve do grada Kotor Varoš, kojom prilikom je KD-4 pao nekoliko puta, te ga je na taj način doveo pred zgradu SJB Kotor Varoš, a zatim je **Kajkut Danko** uveo KD-4 u jednu od službenih prostorija SJB Kotor Varoš te ga predao neidentifikovanom policajcu radi ispitivanja, te je nakon nekog vremena **Kajkut Danko** izveo KD-4 iz prostorija SJB, pri tome ga kao psa vukući na konopcu kojim je KD-4 još uvijek bio vezan oko vrata, a nakon što ga je kao psa na konopcu izveo ispred policijske stanice, **Kajkut Danko** je naredio KD-4, koji je bio go do pasa, bos i krvav, da klekne četveronoške i da pase travu, što je KD-4 morao učiniti, a ovo mučenje je snimano i video kamerom, a svaki puta kada bi KD-4 podigao glavu, **Kajkut Danko** ga je udario puškom po leđima, a ovo zlostavljanje je trajalo nekoliko sati, te je na taj način **Kajkut Danko** namjerno nanio KD-4 snažne fizičke i duševne bolove i patnje, a zatim ga je nakon ovog mučenja odveo i zatvorio u logor za nesrpske civile koji se nalazio iza zgrade Osnovnog suda u Kotor Varoši;

⁴ Zabrana diskriminacije - Član 27.: ... Žene će posebno biti zaštićene protiv svakog napada na njihovu čast, a naročito protiv silovanja, prinudavanja na prostituciju i protiv svakog napada na njihovu stidljivost.


6. Dana 25.06.1992. godine u općini Kotor Varoš:

- a. **Kajkut Danko**, u svojstvu komandira I. voda Specijalnog odreda milicije, i pripadnici I. voda Specijalnog odreda milicije pod njegovom komandom, zajedno sa pripadnicima drugih jedinica, je svjesno i voljno učestvovao u **zatvaranju ili drugom teškom oduzimanje fizičke slobode** najmanje 69 civila muslimanske i hrvatske nacionalnosti iz prigradskih naselja Kotor i Kukavice, postupajući u suprotnosti sa pravilima međunarodnog humanitarnog prava, kršeći odredbe zajedničkog člana 3. Ženevskih konvencija od 12.08.1949. godine i člana 147. Ženevske konvencije o zaštiti civilnih lica za vrijeme rata od 12.08.1949. godine, i to tako što su u jutarnjim satima naoružani ušli u prigradska naselja Kotor i Kukavice, gdje su pod prijetnjom upotrebe vatrenog oružja istjerivali građane iz njihovih kuća, tako što su išli od kuće do kuće, izvodili civile iz kuća, odvajali muškarce od žena i djece, i nezakonito lišili slobode najmanje 69 civila muslimanske i hrvatske nacionalnosti, i to:



i druga lica muslimanske i hrvatske nacionalnosti,

a zatim istog dana u poslijepodnevnim satima, zatvorili u zatvor koji se nalazio iza zgrade Osnovnog suda u Kotor Varoši, najmanje 42 od ovih preko 69 zarobljenih civila i to:



- b. u krugu Doma zdravlja u Kotor Varoši, u kojem su od 11.06.1992. godine bili smješteni pripadnici I. voda Specijalnog odreda milicije, **Kajkut Danko** je svjesno i voljno, u svojstvu komandira I. voda Specijalnog odreda milicije, propustio da preduzme nužne i razumne mjere da spriječi mučenje oko 52 civila muslimanske i hrvatske nacionalnosti i ubistvo oko 12 civila muslimanske i hrvatske nacionalnosti, počinjenih od strane njegovih podređenih pripadnika I. voda Specijalnog odreda milicije, iako je **Kajkut Danko** znao da su njegovi podređeni spremaju mučiti i ubiti većinu ovih civila, te je propustio da preduzme nužne i razumne mjere da kazni njemu podređene pripadnike I. voda Specijalnog odreda milicije iako je znao da su mučili i ubili većinu ovih civila, postupajući u suprotnosti sa pravilima međunarodnog humanitarnog prava, kršeći odredbe zajedničkog člana 3. Ženevskih konvencija od 12.08.1949. godine, kao i članova 146.⁵ i člana 147. Ženevske konvencije o zaštiti civilnih lica za vrijeme rata od 12.08.1949. godine,

⁵ Član 146.: Svaka Strana ugovornica biće dužna da pronalazi lica osumnjičena da su izvršila, ili da su naredila da se izvrši koja od teških povreda, i ona će biti obavezna da ih izvede pred svoje sopstvene sudove, bez obzira na njihovo državljanstvo.

i to tako da nakon što su **Kajkut Danko**, u svojstvu komandira I. voda Specijalnog odreda milicije, i pripadnici I. voda Specijalnog odreda milicije pod njegovom komandom, zajedno sa drugim srpskim vojno-policijskim jedinicama, nezakonito lišili slobode najmanje 69 civila muslimanske i hrvatske nacionalnosti na području naselja Kotor i Kukavice, nakon čega su u blizini kuće [REDACTED] tačno neidentifikovani pripadnici srpskih vojno-policijskih jedinica ubili devet (9) civila i to: [REDACTED]

[REDACTED], a zatim su preostalih najmanje 60 zarobljenih civila muslimanske i hrvatske nacionalnosti povelili prema Domu zdravlja Kotor Varoš, a vodeći ih prema Domu zdravlja ubili su devet (9) zarobljenih civila i to: [REDACTED]

[REDACTED] kao i još pet civila na koje su naišli krećući se putem i to: [REDACTED]

a nakon što su najmanje 52 zarobljena preživjela civila muslimanske i hrvatske nacionalnosti i to: [REDACTED]

[REDACTED] i druge civili muslimanske i hrvatske nacionalnosti, doveli zajedno sa **Kajkut Dankom** ispred Doma zdravlja, u kojem su od 11.06.1992. godine bili smješteni pripadnici I. voda Specijalnog odreda milicije, tu su ih pripadnici I. voda Specijalnog odreda milicije u prisustvu komandira I. voda Specijalnog odreda milicije **Kajkut Danke**, zajedno sa drugim neidentifikovanim osobama:

- mučili tako što su formirali „špalir“ u krugu Doma zdravlja kroz koji su natjerali da prođu ovih oko 52 zarobljena civila i pri tome ih udarali palicama, rukama, nogama i kundacima, a zatim su ih postrojili uz zid zgrade Doma zdravlja, te su ih udarali po cijelom tijelu palicama, cjepanicama, puškama, nogama, stisnutim šakama oko dva sata, kašikom bagera su pritisljali i nanijeli povrede [REDACTED], a Rajilić Božo zv. „Mama“ (preminuo), pripadnik I. voda Specijalnog odreda milicije, pustio je psa njemačkog ovčara - vučjaka na zarobljene civile koji ih je na njegove komande grizao, te su im na taj način nanosili snažne fizičke i duševne bolove i patnje,
- ubili najmanje dvanaest (12) zarobljenih civila i to tako što je Rajilić Božo zv. „Mama“ (preminuo), pripadnik I. voda Specijalnog odreda milicije, pustio psa njemačkog ovčara - vučjaka da na njegove komande izgrize [REDACTED] koji je preminuo usljed ovih ugriza ispred Doma zdravlja, te su pucanjem iz vatrenog oružja ubili [REDACTED]

[REDACTED], a u jednom momentu je **Kajkut Danko** natjerao [REDACTED] a i još jednog neutvrđenog zarobljenog civila, da kopaju grobnicu odnosno utovare tijela ubijenih civila na traktor koji je u međuvremenu dovezen, a na koji su ova četvorica, po naredbi **Kajkut Danke**, natovarili leševe ubijenih civila, nakon čega su ih ubili pripadnici Specijalnog odreda milicije, a onda su i njihove leševe na traktor potrpali [REDACTED] i mladi civil prezimena [REDACTED], te je **Kajkut Danko** u jednom momentu uhvatio za prsa i silom iz traktora izvukao hrvata [REDACTED] koji je vozio traktor temu opsovao majku ustašku te bio potegao za pištolj da ga ubije ali je [REDACTED] tada spasio [REDACTED], a nakon čega je [REDACTED] odveo traktor sa leševima do džamije u Donjoj Varoši gdje su ubijeni civili sahranjeni u „Malom haremu“;

Dakle:

u vrijeme rata u Bosni i Hercegovini i u vrijeme oružanog sukoba na području općine Kotor Varoš između Vojske Republike Srpske (VRS) s jedne strane i Armije Republike Bosne i Hercegovine (A BiH) i Hrvatskog vijeća odbrane (HVO) sa druge strane, te u okviru širokog i sistematičnog napada VRS i snaga Ministarstva unutrašnjih poslova srpske Republike Bosne i Hercegovine, odnosno Republike Srpske (MUP RS), usmjerenog protiv civilnog stanovništva muslimanske i hrvatske nacionalnosti koje je živjelo na području opštine Kotor Varoš, znajući za oružani sukob ali i za taj napad te da njegove radnje čine dio tog oružanog sukoba i napada, svjesno i voljno je sam i zajedno sa drugim osobama, prema civilima muslimanske i hrvatske nacionalnosti sa područja općine Kotor Varoš: učinio nečovječno djelo slične prirode u namjeri nanošenja velike patnje ili ozbiljne psihičke povrede, učinio i pomagao u zatvaranju ili drugom teškom oduzimanje fizičke slobode, učinio mučenje, prisiljavao civile muslimanske i hrvatske nacionalnosti na seksualni odnos ili s njim izjednačenu seksualnu radnju (silovanje), u svojstvu komandira I. voda Specijalnog odreda milicije, propustio da preduzme nužne i razumne mjere da spriječi mučenja i ubistva civila od strane njegovih podređenih pripadnika I. voda Specijalnog odreda milicije iako je znao da su njegovi podređeni spremaju mučiti i ubiti većinu civila, te je propustio da preduzme nužne i razumne mjere da kazni njemu podređene pripadnike I. voda Specijalnog odreda milicije iako je znao da su mučili i ubili većinu civila,

Čime je počinio:

krivično djelo „Zločini protiv čovječnosti” iz člana 172. stav 1.:

- tačka k) (*druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja*) u vezi sa članom 29. (saizvršilaštvo)⁶ i članom 180. stav 1.⁷ Krivičnog zakona BiH⁸, opisano pod tačkom 1. ove optužnice;
- tačka e) (*zatvaranje ili drugo teško oduzimanje fizičke slobode suprotno osnovnim pravilima međunarodnog prava*) u vezi sa članom 29. (saizvršilaštvo) i članom 180. stav 1. KZ BiH, opisano pod tačkama 2. i 6.a) ove optužnice;
- tačka f) (*mučenje*) u vezi sa članom 29. (saizvršilaštvo) i u vezi sa članom 180. stav 1. Krivičnog zakona BiH, opisano pod tačkama 2., 3.a) -3.f) i 5. ove optužnice;
- tačkom g) (*prisiljavanje druge osobe na seksualni odnos ili s njim izjednačenu seksualnu radnju (silovanje)*) u vezi sa članom 180. stav 1. Krivičnog zakona BiH, opisano pod tačkama 4. ove optužnice;
- tačka a) (*lišenje druge osobe života (ubistvo)*) i tačka f) (*mučenje*), u vezi sa članom 180. stav 2. (komandna odgovornost)⁹ Krivičnog zakona BiH, opisani pod tačkom 6.b) ove optužnice.

Tužilac Tužilaštva BiH

⁶ Ako više osoba, učestvovanjem u učinjenju krivičnog djela ili preduzimajući što drugo čime se na odlučujući način doprinosi učinjenju krivičnog djela, zajednički učine krivično djelo, svaka od njih kaznit će se kaznom propisanom za to krivično djelo.

⁷ Individualna i komandna odgovornost Član 180.: (1) Osoba koja ... učini ... ili pomaže u ... učinjenju krivičnih djela iz člana ... 172. (Zločini protiv čovječnosti) ... ovog zakona, kriva je za to krivično djelo.

⁸ „Službeni glasnik Bosne i Hercegovine”, br. 3/03, 32/03, 37/03, 54/04, 61/04, 30/05, 53/06, 55/06, 32/07,8/10, 47/14, 22/15 i 40/15.

⁹ Individualna i komandna odgovornost Član 180.: ... (2) Činjenica da je neko od krivičnih djela iz čl. 171. do 175. ... ovog zakona učinjeno od strane podređenog, ne oslobađa njemu nadređeno lice od krivice ukoliko je to nadređeno lice znalo ili je moglo znati da se njen podređeni sprema učiniti takvo djelo, odnosno da je već učinio takvo djelo, a nadređeno lice je propustilo da preduzme nužne i razumne mjere da spreči učinjenje krivičnog djela, odnosno da počinitelj tog djela bude kažnjen.